

Delegat **Mehmed Bradarić** postavio je dva pitanja:

Prvo pitanje upućeno je Vijeću ministara BiH, Ministarstvu komunikacija i prometa BiH, Državnoj agenciji za istrage i zaštitu (SIPA), Konkurencijskom vijeću BiH, Agenciji za javne nabavke BiH i Tužilaštvu BiH, koje glasi:

„U novembru 2011.godine Ured za reviziju institucija BiH uputio je Konkurencijskom vijeću BiH i Agenciji za javne nabavke BiH obavještenje o indikacijama tokom revizije poslovanja Ministarstva prometa i komunikacija BiH za 2010. godinu, kada su uočili propuste i nedostatke koji dovode u pitanje skladnost procesa nabavke Microsoft licenci sa zakonskim propisima kojima se regulira ovo pitanje. Spomenuti nedostaci konstatirani su i opisani u tački 10. Izvještaja „Programi posebne namjene“, za pružanje usluga tehničke podrške od Microsofta, str.17. i 18. Izvještaja o reviziji Ministarstva prometa i komunikacija BiH za 2010. godinu. Tražim da nadležni izvrše detaljnu procjenu predloženog s ciljem utvrđivanja zakonitosti i opravdanosti predmeta nabavke u Ministarstvu prometa i komunikacija BiH.

Drugo pitanje upućeno je Upravi za inidirektno oporezivanje BiH, Upravnom odboru Uprave za indirektno oporezivanje BiH i Ministarstvu finansija i trezora BiH, a glasi:

“ U Zakonu o budžetu institucija BiH za 2007. godinu u članu 12. bilo je propisano da se: *Investiranje graničnih prijelaza za 2007.godinu može izvršiti iz prihoda po osnovu korištenja carinskih terminala ostvarenih iznad obima prihoda utvrđenih u članu 2.VII.4. ovog zakona, a najviše do 5 miliona KM.* Prioriteti ulaganja su granični prijelazi: Bosanska Gradiška, Gorica i Užljebić. Odluku o načinu i visini ulaganja donosi Upravni odbor UIOBiH.

1. Pitanje za Upravni odbor Uprave za indirektno oporezivanje BiH: Kakvu je odluku o načinu i visini ulaganja donio Upravni odbor Uprave za inidrektno oporezivanje BiH?
2. Pitanje za Upravu za indirektno oporezivanje i Ministarstvo finansija i trezora BiH: Da li su sredstva iskorištena za granične prijelaze navedene u Zakonu, odnosno kome su isplaćena?”